

# BOOKLETS

## Belydenis vir Geestelike Eggenote

*Bemshifh*  
MINISTRY

Uitgegee deur:  
*Berashith Ministry*

© 2023  
Eerste Uitgawe Maart 2023  
Tweede Uitgawe September 2024 Weergawe 2.0

Voorblad-uitleg deur Utilisoft  
Kallie du Plessis

Alle Skrifaaanhalinge uit E-Sword

Daar is geen kopiereg op ons materiaal nie.  
Maak asb soveel kopieë as nodig vir gratis verspreiding.  
Nie vir herverkope nie.  
PDF - Formaat

Volledige YouTube-leringe is beskikbaar op ons webblad.

[www.berashithministry.co.za](http://www.berashithministry.co.za)

epos: BethesdaHealingOasis@gmail.com

# GEBED VIR GEESTELIKE EGGENOTE

VADER, in die Naam van Yashuah bely ek vir myself en namens diegene in my familielyn wat seksuele verhoudings gehad het met bose geeste, familiêre geeste, dooie menslike geeste, incubus/succubus-geeste en die demoon Mare. Ek verloën en verbreek enige verbond of toewyding aan die **Nephilim, Lilith, Baäl of Belial, Cleopatra, Isis of Asherah**. (Noem die geeste wat van toepassing is op jou gesinsituasie, indien jy weet watter dit is.)

Ek bely namens enigiemand in my familielyn vir enige verbintenis, bande, ooreenkoms of trou aan die gees van hoerery. Ek bely namens almal wat aan **vrugbaarheidsrituele of seremonies** deelgeneem het, aan hierdie **geeste geoffer het, hul aanbid, voor hul gedans het of offers** aan enige vrugbaarheidsgode of -godinne gebring het. VADER, ek het berou namens almal wat nagtelike mans (geestesmans) en nagtelike vrouens (geestesvrouens) gehad het. VADER, vergewe ons dat ons U verwerp het as ons Man en dat ons ontrou teenoor U was. Vergewe ons dat ons vertroosting by hierdie geeste vind en na hulle kyk om ons begeertes en behoeftes te vervul. Ek kies om op U te steun en U te vertrou vir alles wat ek nodig het. Herstel asseblief ons vreugde en getrouheid aan ons Bruidegom. Ek verklaar nou 'n egskeiding met elke familiêre gees wat in die geesrealm met my "getrou" het en verbreek alle bande – liggaam, siel en gees – met hierdie geeste. In die Naam van Yashuah verklaar ek dat elke demoniese eis oor my nou verbreek is! Ek kanselleer elke seksuele daad met hierdie geeste en breek die demoniese seëls wat deur my

voorvaders ingestel is. Ek bely namens diegene in my familielyn wat betrokke was by **astrale projeksie en duistere praktyke soos die okkulte en New Age**. Ek het berou vir enige betrokkenheid by **hekse, towenaars, of familiêre geeste**. Ek verloën alle **nagtelike towerspreuke, amulette, betowerings of aanloklikhede** wat snags deur vroulike hekse en manlike hekse gebruik word. Sluit asseblief alle **ongoddelike paaie, deurgange, krake of openinge** na ongoddelike ryke of die onderwêreld. VADER, verwyder asseblief alle verontreiniging en besmetting van my liggaam, siel en gees.

Ek bely vir myself en namens enige van my voorouers wat **sangomas en vroulike of manlike hekse** besoek het vir muti. Ek bely die koop, aanvaarding en gebruik van hul **liefdesdrankies (muti)**. Ek bely rituele wat uitgevoer is en besweringe met behulp van badmiddels, wasmiddels, amulette en psigiese gebede. Ek het berou dat my liggaam met seremoniële vloeistowwe ingevryf is of dat seremoniële vloeistowwe oor my liggaam gegooi is. Ek het berou omdat ek insnydings op dele van my liggaam gemaak het en muti in die wonde gevryf het. Ek het berou oor die verbokkeling van huwelike en verbonde, egskeidings en die gebroke verhoudings wat voortgespruit het uit verhoudings met hierdie seksuele geeste. Ek vra dat U alle **valse liefde, wellus, haat, impotensie, seksuele koudheid, siektes en ongesteldhede** wat deur hierdie geeste veroorsaak is, sal verbreek.

Ek het berou vir myself en namens my familielyn vir alle **hoerery, owerspel, bloedskande, homoseksualiteit en seksueleverslawing**. [As jy **seksueel misbruik** is, breek die sielsband met die **oortreder se onrein gees** en breek die vernietiging oor jou lewe deur **chroniese siekte, ongesteldheid en liggaamlike aftakeling**.]

VADER, ek het berou oor die familie se perversie en onreinheid wat ons gebind het. Ek neem verantwoordelikheid vir my eie sonde en breek die vesting van elke onrein gees af wat my liggaamsfunksies benadeel en my liggaam swak en siek maak. Ek vernietig die god van **Asjera** waar **onsedelikheid en seksuele perversie en tempelprostitusie** in my familielyn plaasgevind het. VADER, ek verbreek die vloek van tempelprostitusie in my familielyn wat nie alleen die deure oopmaak vir onrein geeste en siekte nie, maar ook vir allerhande seksuele perversie om in die familielyn uit te breek. Ek verbreek die **vloeke en plae** wat gepaardgaan met tempelprostitusie, veral in die **bloed, ingewande en geslagsorgane**. Ek wend die Bloed van Yashuah vrylik aan al die **hooforgane** van die liggaam vir reiniging.

Vir die totale vernietiging van **Apollyon**, verbreek ek die familievloek van tempelprostitusie met rituele mishandelings waar deure in die gees oopgemaak is. Ek verbreek die familievloek van **skisofrenie** agv die sonde en ongeregtigheid wat op ons neergedaal het deur enige **tempel, seksuele mishandeling en enige pyniging in die nagtelike** ure van demoniese seksuele aktiwiteite. Ek het berou oor alle **pornografie, verkragting, mishandeling, masturbasie, wellus, fantasie, enige ongoddelike seksuele kontak met ander mense, bestialiteit (diere), alle seksuele perversie en seks vir geld**. Ek het berou vir myself en namens my familielyn vir die vergieting van **onskuldige bloed deur aborsie en menslike offers**. Ek het berou oor **moord, hoogmoed, gierigheid, woede, haat, jaloesie, pretensie, valsheid, vloek en leuens**. VADER, vir myself en namens my familielyn het ek berou dat ons betrokke was by dae wat **aanbidding en gehoorsaamheid aan satan en sy demone** getoon het deur **seksuele verhoudings buite die huwelik**. VADER, vergewe ons dat ons nie U gebooie gevolg het nie.

VADER, ek het berou omdat ek toegelaat het dat hierdie bouse geeste my wil en denke benadeel en beheer. Ek kies nou om my gees, wil, emosies, verstand en liggaam onder die Heerskappy van Yashuah te plaas. VADER, vir myself en namens my familielyn het ek berou omdat ons satan toegelaat het om ons liggame as 'n **tempel van aanbidding** te gebruik en dat ons hom op so manier krag en heerlikheid gegee het. Ek vra U, VADER, om die demoniese tempel wat satan in my opgerig het, met U goddelike Vuur te vernietig.

In die Naam van Yashuah verloën ek **Incubus, Succubus, Lilith en Mare, Baäl en Belial** en elke ander sterkman wat nie genoem is nie. Ek neem gesag oor hulle en beveel hulle uit my liggaam, siel en gees! Ek neem gesag oor en bind elke seksuele demoon wat aan my **tong, hande, vingers, borste, heupe, lae-rug, boude, geslagsorgane** of enige ander deel van my liggaam toegewys is, in die Almagtige Naam van Yashuah van Nasaret. VADER, vergewe my dat ek Lilith in my lewe toegelaat het en dat ek 'n slagoffer van haar **verleiding** geword het. Vergewe my dat ek wellus toegelaat het om my te beheer, en dat ek toelaat dat **onheilige sielbande** gevorm word.

Vergewe my, ABBA VADER, dat ek **my huweliksbed met wellus besoedel** het en U heilige verbintenis tussen man en vrou onheilig het. Ek verloën wellus as sonde in Yashuah se Naam. VADER, ek verklaar nou 'n **egskeiding** tussen myself en Lilith en al haar kinders. Ek skeur die **huweliksertifikaat** op en gee haar trouing terug. Ek vra dat U Heilige Vuur in die Naam van Yashuah HaMashiach al die **dokumente** wat in die gees teen my getuig, sal vernietig. Ek verbreek alle verhoudings tussen myself en elke bouse gees van wellus en verleiding. Ek verbreek met die swaard van die gees elke onheilige sielsband tussen myself en Lilith en

al haar ander name. In die Naam van Yashuah HaMashiach verklaar ek dat satan nie meer toegang tot my liggaam, siel of gees het deur daardie sielsband nie.

In die naam van Yashuah HaMashiach verklaar ek dat Lilith en haar kinders **geen toegang meer tot my kinders** het nie. Alle toegang tot my kinders deur hierdie gees en deur sielsbande word nou afgesny deur die Krag van GOD. Ek vra dat U my kinders met die Bloed van die Lam sal bedek en dat die deure wat aan haar toegang verleen vir ewig met U Bloed verseël sal word. In die Naam van Yashuah dank ek elke **hekwagter** af wat Lilith gehelp het om toegang tot my te kry - die hekwagters **by my oë, my verstand (bewuste en onbewuste), my drome en my geslagsorgane**. Ek stroop hulle van alle mag en gesag en ek skeur hulle aanstellingsbriewe op in die Naam van Yashuah HaMashiach en vra dat U hierdie dokumente met die Vuur van die Heilige Gees sal verbrand.

Ek verseël elke poort met die Bloed van die Messias en vra dat U U oorlogs-engele sal aanstel om hierdie poorte te bewaak. Ek vra ook dat U die deure van die tempel van **Inanna** sal sluit en dit met die Bloed van Yashuah sal verseël. Ek vra dat U elke deurgang in die spieëls in my huis wat toegang tot die grotte van Lilith verleen het, sal sluit en dit met die Bloed van Yashuah sal verseël. Ek verloën enige verbintenis met die **maan, sy strale en sy vier fases, veral Nuwemaan**. In die Almagtige Naam van Yashuah sny ek myself los van hierdie verbintnisse met die maan en sy verbintenis met Lilith. Ek verloën enige verbintenis met **Egipte** en sny myself los van enige iets wat met Egipte te doen het, in die Naam van Yashuah van Nasaret. Ek verloën die ekstatische toestand van liefde en die seksuele krag wat ek deur **Layla** verkry het, in die naam van Yashuah HaMashiach. In die kragtige Naam van Yashuah sny ek myself

los van die **waters in die hemel, op die aarde en onder die aarde**, sowel as van **Leviatan** en al die magte wat aan hom verbonde is.

VADER, ek vra U om die **web van Lilith** waarmee sy my verstrengel het te vernietig en my heeltemal te bevry van haar web van **wellus en bedwelming**. Ek vra U, VADER, om Lilith van haar wapenrusting te stroop en haar as kryger te verlam, in die Naam van Yashuah. Ek verloën al die **voorkomste en name van Lilith** en vra U, ABBA VADER, om my los te sny van elkeen van haar name en voorkomste en om elke onheilige sielsband in hierdie verband in die Naam van Yashuah te vernietig. Ek verloën haar **parasitiese soene** en haar **vampierisme** en die totale **moegheid** wat ek as gevolg daarvan ervaar het. VADER, ek vra dat U die wonde sal genees waar sy my bloed uitgesuig het, en dat U my krag wat sy uit my getrek het, sal herstel.

Ek vra U, ABBA VADER, om die wonde wat deur haar tande in my liggaam, siel en gees gemaak is, in Yashuah se Naam te genees. VADER, ek bring na U elke insident wanneer Lilith enige **sperm of eiersel** in my familielyn geneem het en dit vir satan se doeleindes gebruik het. Ek vra U om asseblief elke area waar daar enige sperm of eiersel in my familielyn, sowel as my eie saad, gestoor word, met U Vuur te vernietig. (Moederskepe, laboratoriums, ens.). Waar dit geneem en gebruik is om **half-menslike of half-dierlike wesens** te skep sonder my wil of toestemming, vernietig asseblief alles nou met U Vuur. Ek vra dat daar geen Nephilim oor sal wees om op die Oordeelsdag teen my of my familie te getuig nie. Ek vra vergifnis waar my familiesaad of my eie saad gebruik is om **babas** te skep om op die altare van satan geoffer te word. Maak asseblief met U Bloed, die bloed van daardie huilende babas stil wat teen my getuig, Yashuah. Ek vra U om enige saad van my familie en myself te



vernietig wat deur Lilith geoes is om in **spermbanke** geplaas te word vir satan se doeleindes wanneer hy dit ook al verkies. EK vra U, VADER, om asseblief die **proefbuise** te vernietig en die saad wat gesteel is te vernietig sodat dit nooit weer deur satan gebruik kan word nie.

Vernietig asseblief elke **demoniese altaar** wat teen my en my familie getuig as gevolg van hierdie bose dade wat met ons saad uitgevoer is. Met die hamer van U Woord breek ons nou hierdie altare stukkend, asook al die horlosies wat in die gees opgestel is om op sekere tye en seisoene oor my en my gesin in te skop – verlede, hede en toekoms. Stuur U Vuur, VADER, en vernietig alle bewyse teen my en my familie. Mag die Bloed van Yashuah die finale woord oor ons lewens hê! VADER, ek vra dat U die **totale vernietiging** wat Lilith veroorsaak, sal omkeer en dit in groei en seën sal verander. ABBA VADER, ek vra U om my huweliksbed te heilig en te reinig met die Bloed van Yashuah. Sal u my huwelik genees en die gees- en sielsband met my huweliksmat herstel, sodat ons huwelik 'n beeld kan wees van Yashuah se verhouding met Sy Bruid, die Kerk. Ek vra U, in die Naam van Yashuah, om ons saad te bedek met U Bloed om sodoende te verhoed dat Lilith dit steel en vir haar bose doeleindes gebruik. VADER, ek verklaar nou dat ek die **helm van verlossing** sal dra om my verstand (bewuste en onderbewuste) en my drome te beskerm (Efesiërs 6:17). Ek verklaar dat ek alle redenasies en elke hoë ding wat homself verhef teen die kennis van GOD, nou neerwerp en elke gedagte gevange neem tot gehoorsaamheid aan die Messias (2 Korinthiërs 10:5). EK dank U, VADER, vir U barmhartigheid en U genade en ek gee U al die eer, want U alleen is GOD en ek behoort aan U! Ek weier om verder hierdie duiwelsgeeste te dien. Ek verloën satan en al sy werke. Ek verklaar 'n egskeiding met elkeen van hierdie seksuele demone, in die Almagtige Naam van Yashuah van Nasaret. VADER, met

die **twee-snydende swaard** verbreek ek alle bande en konneksies met elke **doeie menslike gees (generasie-demone), menslike gees en demoon** in elke persoon waaraan ek gekoppel was deur seksuele betrokkenheid.

Ek skei hierdie vlakke nou van mekaar en verklaar 'n egskeiding met elke **generasie-demoon, elke menslike gees en elke demoon** wat die ander person/e beheer waarby ek seksueel betrokke was. In die Naam van Yashuah verloën ek elke ongoddelike gees en sielsband met X. (Noem persoon/e met wie jy seksuele verhoudings gehad het.) VADER, ek vra U om my gees, verstand en liggaam te reinig, in die Naam van Yashuah. Ek wend nou die Bloed van Yashuah aan oor elke ongoddelike band. Nou vra ek U, VADER, om my liggaam, siel en gees te reinig en elke bose gees wat nog in my wese skuil, te verwyder. Ek beveel alle verwarring om te gaan en roep alle dele van my gees en verstand terug wat verstrooid of gefragmenteerd is. Ek vra U om my te vergewe, my te was en te reinig met die Water van U Woord - liggaam, siel en gees. Ek vra U om my onskuld en die heerlikheid van my maagdelikheid te herstel. As U kind, herstel asseblief my Goddelike drome uit Hemelse plekke. Ek verklaar dat ek nou my liggaam, siel en gees in die hande van die Almagtige GOD van Israel gee as 'n tempel van die Heilige Gees! VADER GOD, verdiep asseblief my liefde vir U en gee my die vermoë om waarlik getrou en geestelik intiem met U te wees.

Dankie, VADER.

*Erkenning: Kanaan Ministries – [www.kanaanministries.org](http://www.kanaanministries.org)*



[www.berashithministry.co.za](http://www.berashithministry.co.za)  
[BethesdaHealingOasis@gmail.com](mailto:BethesdaHealingOasis@gmail.com)



Berashith is the Hebrew for "In the Beginning":  
**The Son of God willingly destroyed Himself on the Cross**

*"I am the Bright Morning Star - surely I come quickly"*

Revelation 22:16, 20



*Berashith*  
MINISTRY

[www.berashithministry.co.za](http://www.berashithministry.co.za)

[BethesdaHealingOasis@gmail.com](mailto:BethesdaHealingOasis@gmail.com)